

**Illup sananeqarneranut akiusup minnerpaaffissaata inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinneqarnissaanut periarfissat misissoqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinikkut ineqarnermut akiliutip, illup sananeqarneranut akiusup, piginnittut aningaasaliissutinit iluanaarutissaasa aammalu ineqarnermut tapiissutit allangornerisa imminnut ataqatigiinnerat paasinarsisinneqassapput kiisalu aserfallatsaaliinissamut pilersaarutit attatiinnerneqarnissaat isiginiarneqassalluni. Kiisalu illup illuutit sananeqarneranni naliusup ingerlaavartumik nalikillilerneqartarnerani pitsaaqutit ajoqutillu misissuinikkut qulaajarneqassapput. Misissuinerup inerneru Inatsisartunut kingusinnerpaamik juli 2022-mi agguanneqassapput**

(Inatsisartunut ilaasortaq Erik Jensen, Siumut)

(Ineqarnermut, Attaveqaasersuutitut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq)

### **Akissuteqaat**

(Ineqarnermut, Attaveqaasersuutitut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq)

### **Aappassaaneerneqarnera**

Aallarniutigalugu Sanaartornermut Ataatsimiititaliaq siunnersuut sukumiisumik misissormagu, tamatumalu kingorna immikkoortup aappassaaneerneqarnissaanut isumaliutissiissuteqarmat, Naalackersuisut sinnerlugit qutsavigaara.

Pisortat inissiaataanni aserfallassimasuni ineqarnermut akiliut qanoq iliornikkut appartinneqarsinnaanersoq paasinarsisinneqarnissaa siunnersuummi siunertaasoq, Sanaartornermut Ataatsimiititaliaq erseqqissaavoq.

2020-mi ukiaanerani ataatsimeereernerup kingorna Inissianut tamakkiisumik pilersaarutip sularineqarneranut naatsumik nassuiaanissaq kissaatigalugu Sanaartornermut Ataatsimiititaliaq isumaliutissiissummini saqqummiuppaa, aammalu Inissianut tamakkiisumik pilersaarutip qaqugu saqqummersinneqarnissaa apeqqutigalugu.

Tamakkiisumik pilersaarut taamatut saqqummersinneqartussaannilaq. Tassani suliaqarneq ingerlareersoq nassuiarneqarpoq aammalu aqqutissanut tamaginnut naggataatigut angusassamik siunnerfiliisoqarluni. Pilersaarummut pingaarnertigut siunertaavoq inissianik peqqinnartunik, ingerlaavartumik aserfallatsaaliorneqartussanik aammalu akileruminartunik, qulakkeerinissaq. Suliaqarneq Naalackersuisoqarfii akimorlugit ingerlanneqarpoq aammalu ukioq manna Covid-19-imit sunnersimaneqarsimalluni. Tamatumunnga pissutaavoq suliassaqarfanni arlalinni isumalluutit covid-19-ip akiorniarneqarneranut atugassanngortinneqarsimanerat.

Inissianut tamakkiisumik pilersaarummi suliniuteqarfissat pingaarnertit sisamaapput;

- Inissiat aserfallakkiartoqqissanngitsut,
- Inissiat siunissami iluarsaanneqartassasut,
- Illulortiternermut sanaartornermullu suliasaqarfimmi najukkani sullivinnik inerisaasoqassasoq, taamaalillutik iluarsaassinermut aserfallatsaaliuineremullu suliasat assasornermut ilinniarsimasunit najukkameersunit suliarineqarsinnaassallutik, kiisalu,
- Inatsisissatut siunnersuummik saqqummiussisoqassasoq, tassani illuummik piginnittut aserfallatsaaliuineremut kinguaattoorutaalersimasuni angummanniarnissamut periarfissinneqassallutik.

Suliaqarnerup siumut ingerlanerani maannamut pingaartumik internet atorlugu Paasissutissanut pilersaarusernermullu sakkussami – qarasaasiami paasissutissanik nalunaarsuiffiusumi – ineriartortinneqaaqqammersumi pisortat inissiaataannut attartortittakkanut paasissutissanik katersineq immikkut ukkatarineqarpoq. Paasissutissat taakkua tassaapput qanoq issutsinik nalilersuinerit, taakkunungalu atatillugu aningaasaqarnikkut paasissutissat. Tamatumani inissiat qanoq issusaat, aammalu inissiat najugaqarfigissallugit peqqinnartunngorlugit ullutsinnullu naleqquttunngorlugit, inissiat iluarsaannissaannut aserfallatsaaliornissaannullu suut pisariaqarnerisut takuneqarsinnaavoq. Suliaqarnerq Namminersorlutik Oqartussat inissiaataannut, kiisalu kommuninut sisamanut: Avannaata Kommunia, Kommune Qeqertalik, Qeqqata Kommunia aamma Kommune Kujalleq, naammassereerpoq.

Qarasaasiami paasissutissaasivik aningaasaqarnikkut misissueqqissaarnernut pisussanut sakkussanngortussaavoq pingaaruteqartoq, aammalu siunissami ineqarnermut akiliutip annertussusissaannut pisariaqartitat naatsorsorneranni iluaqutaassalluni. Misissueqqissaarnerit taakkua aallaavigalugit, siunissami isertitakinnerpaat najugaqartut tapersorsornissaannut qanoq pisariaqartitsisoqarnerisut paasinarsisussaavoq.

Qarasaasiami paasissutissaasivik aamma ajornartorsiutinut immikkuullarissunut misissuineremut atorneqassaaq, soorlu illut silataanni aserfallatsaaliisoqarsimanginnera pissutigalugu attartortut kiassarneremut aningaasartuutaasa qaffasinnerat.

Siunnersuuteqartup Namminersorlutik Oqartussat ilaqutariinnut arlalinnut inissiaatai pisoqqat kisiisa ilaatikkai Naalakkersuisut ilisimaaraat, kisianni Naalakkersuisut pisortat inissiaatai ataatsimoortut isigisariaqarpaat. Taamaattumik ineqarneremut politikkimut, pisortat inissiaataannik attartortittakkanik tamaginnik ilaatitsiviusumut, ataatsimoortumik sinaakutissaq sulissutigineqarpoq.

Inissianut tamakkiisumik pilersaarut Namminersorlutik Oqartussat inissiaataasa attartortittakkat kommuninut tunniunneqarnissaannut pitsaasumik patajaatsumillu tunngavissaqarnissamut qulakkeereqataassaaq. Tassani ilaatinneqarput ilusilianik, siunissami inissiat aserfallakkiartoqqinnginnissaannik qulakkeerisussanik aammalu inissiani

aserfallassimasuni attartortut inigisamik aserfallatsaaliorneqarnissaanut pilersaaruteqartoq ilisimanninnissaannik qulakkeerisussanik, pilersitsinissaq.

Saniatigut iluaqutaasumik, aserfallatsaaliuinninnissamik pitsaaliuineramik suliaqarneq, suliaassat ingerlaavartumik neqeroortitsivigineqartalernerannut, kiisalu najukkani assasornermik suliallit siunnerfilimmik ilinniartitaanerannut pikkorissarneqartarnerannullu iluaqutaassaaq. Ingerlaavartumik assigiissaartumillu iluarsaassinissamut aserfallatsaaliuinnissamullu pilersaarummi taamaalilluni inissiat siunissami aserfallanninnissaat qulakkeerneqassaaq, kisianni aamma najukkani inuussutissarsiortut ingerlaavartumik suliffissaqartinneqarnissaq naatsorsuutigisinnaallugu, tamatumalu sungiusarfissanik qulakkeerinissaq ajornanninnerulersissavaa.

Naalackersuisut oqaatigineqareersutut Sanaartornermut Ataatsimiititaliap suliame matumani aallussilluarnemat nuannaarutigisorujussuaat aammalu Inissianut tamakkiisumik pilersaarutip ataatsimiinnerup matuma ingerlanerani ataatsimiinnermi pilersaarutigineqareersumi sukumiinerusumik saqqummiunnissaa qilanaaralugu.

Aamma siullermeerinermit uteqqiissaanga, tassalu Naalackersuisut siunnersuutip akuerineqarnissaa inassutigigaat aammalu ujartorneqartut suliaqarnermi ingerlasumi qulaajaavigineqartussaanagerat qularutigineqassanngitsoq oqaatigisinnaallugu